

## 2 PITA

### Pita kipihac wê vông yuu ge

<sup>1</sup> A, Saimon Pita, a ga Yesu Kìlisi nu yuac dì a tu sinale ti. A kiyuu kipihac tiga loc vô xam wê xam vông i vin Anutu tiyi xocbê xe vông i vin ge. Mòp vông vinên tige nivìha. Il vông i vin lec mòp nivìha wê Kìlisi vông ge. Yesu Kìlisi ge il Anutu i wê vô il vèl ên il nêd nipaên.

<sup>2</sup> Xam xovô Anutu yuu il lig Apumtau Yesu, om xam vông xovôên tige i vô levac, ên xêyaa vin lecên yuu kiyang malehe i vô levac vô xam.

*Il ob vông mòp wê Anutu tyuc il dì vînoo il ge i vô nôn lec*

<sup>3</sup> Anutu vông susu hixôn nôn nivìha vîhati vô il ya xêkizêc wê i vông ge ên nêb nôn tige i ngidu il xôn gê kibun ga dì didii il mì la vac mòp nivìha wê Anutu vông ge vîhati mì il timu vô. Om il kô nôn tige vîhati ya xovôên nivìha wê Anutu vông vô il lec ici va ge. Anutu tyuc il ya xêseac yuu lê levac wê i vông ge ên nêb il tu i nue.

<sup>4</sup> Ilage Anutu hìlu kiyang tibeac vô il ên nêb ob vông nôn nivìha vîhati vô il ya xêseac yuu lê levac wê i vông ge. Nôn tige nivìha yang. Léc mòp nipaên wê il nìlôd kidu il ên nêb il vông ge yêp vô il gê kibun ga om vông il vô nipaên. Om Anutu vông kiyang wê hìlu pyap ge vîhati vô nôn lec vô il dì vông nôn nivìha vîhati vô il ên nêbê he i ngidu il xôn dì il pec ên mòp wê ob vông

il vô nipaên ge, di il tu xomxo nivihã nôn i tiyi xochê Anutu vaci ge.

<sup>5</sup> Anutu nêb il ob tu xomxo nivihã i tiyi xochê i ge, mêgem a ob nêl vô xam bê xam léc vông yuac xêkizêc di vông môp nivihã vihati i yêp hixôn vông vinên wê xam vông ge, di xam kô xovôên nivihã hixôn,

<sup>6</sup> di xam viac xam ên môp wê nimnivi xovô ge, di xam le xêkizêc vac viyin, di xam timu vô môp wê Anutu vông ge vihati,

<sup>7</sup> di xêmyaa i vin lec lime, di xêmyaa i vin lec xomxo vihati hixôn.

<sup>8</sup> Ên xam obêc timu vô môp bêgee di vông i vô levac ge od xovôên wê xam xovô lec il lig Apumtau Yesu Kĩlisi ge obêc yêp vidadãên lêm. Nge, ob vô nôn nivihã vô xam, di xam ob vông yuac nivihã ya.

<sup>9</sup> Léc xomxo vông vinên ti obêc vông môp tibêgee lêm ge od tiyi xochê manôn toc di o yê vigwe lêm, ên ilage xovô wê Anutu kitya i nê nipaên vêl ge lê, léc gwêbaga lungên môp tige nang.

<sup>10</sup> Xam lige, Anutu tyuc xam di vĩnoo xam pyap ên nêb xam tu i nue. Mêgem xam vông yuac xêkizêc, ên môp wê Anutu tyuc xam di vĩnoo xam ge i vô nôn lec. Ên xam obêc vông bêge ge od xam ob le xêkizêc di susu ti ob pwoo xam pec lêm,

<sup>11</sup> di Anutu obêc tax vuayen ên xam di xam la vac Yesu Kĩlisi ben di Anutu obêc hi vixa pec ên xam di viac xam dô luta léc luta. Yesu Kĩlisi ge il Apumtau wê vô il vêl ên il nêd nipaên.

<sup>12</sup> Kiyang wê a nêl vô xam ge, xam ngô di vông i vin pyap, di xam mi le xêkizêc vac kiyang nôn tige. Lêc a nêb a ob nêl kiyang tige i tii vac nang vô xam,

<sup>13</sup> om tiyi buc vihati wê a dô magviha gê kibun ga ge od a ob nêl kiyang tige i tii vac vac vô xam ên xam ngô di hôm xôn pilihi. A obêc vông bêge ge od nivîha,

<sup>14</sup> ên il lig Apumtau Yesu Kîlisi nêl kitong vô a om a xovô bêga ên a nêbê buc wê a ob xib ge vô kwabo lec.

<sup>15</sup> Om a nêb a ob vông yuac xêkizêc di nêl kiyang tige i tii vac vô xam, êdêc wê a xib ge od kiyang wê a nêl vô xam ge i yêp vac xam piyôp di xam xovô i tiyi buc vihati.

### *Pita yê xêseac wê Kîlisi vông ge*

<sup>16</sup> Xe nêl xêkizêc wê il lig Apumtau Yesu Kîlisi vông ge kitong vô xam, di xe nêl vô xam ên xe nêbê Yesu obêc vena i tii vac nang. Lêc xe o ngô pivulac vidaaên ti lec Yesu mi nêl kitong vô xam lêm. Nge, xe xê Yesu lec mamnôn, di xe xê xêseac wê i vông ge. Om xe nêl kitong vô xam.

<sup>17</sup> Mag Anutu vông Yesu lê vô levac di vông xêseac wê i vông ge vô i. Anutu wê xêseac kehe ge vông kiyang lam vô Yesu bêga ên nêbê, “Xomxo tige a nug wê a xêgyaa vin lec i di a xê i nivîha ge.”

<sup>18</sup> Xe dô hixôn Yesu lec kitôn ngibua om xe ngô vya tige wê lam gê lag kisiinê ge.

<sup>19</sup> Om xe xovô bêga ên xe nêbê kiyang wê plopete vihati nêl ilage, he nêl vixôhilôg nôn. Om xam obêc hôm he kiyang tige xôn pilihi ge,

od xam ob dô niviha. Ên kiyang wê he nêl ge tiyi xocbê lam wê linac vac mapitoc ge. Om xam timu vô he kiyang di i loc tyip vô buc wê Kîlisi obêc vena hixôn xêseac ge. Xêseac wê i vông ge nginoo xêseac wê lam vông ge vêl. Vô buc tige il ob xovô plopete kiyang wê he nêl ilage i yêp seac.

<sup>20</sup> Lêc taxlee ge xam xovô bêga bê xomxo ti o tiyi wê ob nêl plopete kiyang kehe kitong ya xovôên wê ici va vông ge lêm.

<sup>21</sup> Ên ilage he plopete ti o nêl kiyang ya xovôên wê heche va xovô ge lêm. Nge, Myakîlôhô Ngîbua vông Anutu kiyang vô he lêc he nêl.

## 2

### *Môp nipaên wê plopete kityooên vông ge*

<sup>1</sup> Ilage plopete kityooên ya kidi lec vac he Islel mahîgun. Di gwêbaga plopete kityooên ya obêc kidi lec vac xam mahîgun di kityoo xam ya xolac kityooên, di he ob viyum kiyang nipaên vac kiyang niviha nilô, di nêl kiyang kityooên viyang viyang wê obêc vông xomxo vô nipaên ge, di he ob yax Apumtau wê vô he vêl ên nipaên ge vun. Om môp nipaên wê he vông ge wê Anutu obêc kitya he vêl lutibed.

<sup>2</sup> Di he obêc didii xomxo tibeac la vac môp yôdac hixôn môp wê vaxvax ge. Om môp nipaên wê he vông ge ob vông xomxo nêl kiyang nipaên lec Anutu môp yuu kiyang nôn.

<sup>3</sup> Plopete kityooên tige mi vông nilô la vô mone, om he ob nêl kiyang kityooên vô xam ên nêb ob kô mone vô xam. Lêc ilage Anutu nêl mi

i yêp pyap ên nêb obêc yaxên he nêb kiyang di vông myaviwen vô he. Anutu wê obêc kitya he vêl ge o lungên he lêm. Nge, dô bin buc wê obêc vông myaviwen vô he ge.

<sup>4</sup> Ilage angela ya vông môp nipaên, lêc Anutu o xo vigwe pisiv ên he lêm. Nge, tii he la vac vigwe nipaên, di vông he la dô kalabuhu vac lôva wê mapitoc ta ge. Om he ob la dô di i la tyip lec buc wê Anutu ob yaxên he nêb kiyang ge.

<sup>5</sup> Ilage lec buc wê Nôa dô maviha ge od xomxo vô nîmi vô Anutu, lêc Anutu o xo vigwe pisiv ên he lêm. Nge, vông mia tyip vac kibun di hi he ma vêl. Mêd Nôa tibed wê mi nêl môp nivîha kitong mi i yêp seac, om Anutu viac Nôa di xomxo vigê vilu di sec yuu ge he dô maviha vô buc wê mia hi tibii ge.

<sup>6</sup> Ilage Anutu yaxên môp nipaên wê tibii Sodom yuu Gomola vông ge. Om vông myaviwen vô vigwe yuu ge, di nyuu yuuya ngwax levac di ngwax ya yuu ma vêl, om vigwe tu viwev pileva. Anutu vông bêge ên nêb xomxo wê vô nîmi vô i ge he i yê di xovô bê Anutu obêc vông myaviwen vô he.

<sup>7</sup> Lot mi dô vac vigwe Sodom, lêc Anutu hôm Lot vêl ên ngwax wê ob ya vigwe Sodom yuu Gomola ge, ên Lot ge xomxo nivîha ti. Om môp yôdac hixôn môp nipaên vihati wê tibii Sodom yuu Gomola vông ge vông Lot nilô vô viyin.

<sup>8</sup> Ên Lot ge xomxo nivîha wê nilô timu vô môp nivîha ge, lêc dô vac he mahîgun om yê môp nipaên wê he vông ge di ngô kiyang nipaên wê he nêl ge. Om vông i nilô vô viyin mabu yocên

tiyi buc vihati.

<sup>9</sup> Kiyang tige wê nêl lec angela nipaên hixôn Nôa yuu Lot ge ob vông xovôên vô il bêga bê Apumtau xovô viyin wê tulec xomxo nivuha ge om ici va tiyi wê ob vô he vêl ên viyin tige. Di xovô môp nipaên wê xomxo nipaên vông ge om ici va tiyi wê ob vông myaviwen vô he di i la tyip vô buc wê obêc yaxên xomxo vihati nêl kiyang ge.

<sup>10</sup> Plopete kityooên obêc kô myaviwen nipaên i luu vêl, ên he mi vông môp yôdac hixôn môp ningeac vihati, di yê Anutu kiyang hixôn xomxo levac kiyang tiyi xocbê kiyang pileva ge, di he mi yong he di timu vô môp wê he nilô xovô ge, di he nêl kiyang nipaên lec angela lag kisiinê di o xona lêm.

<sup>11</sup> Angela tigeê lê hixôn xêkizêc wê he vông ge luu xomxo vihati vôngo vêl. Lêc angela tigeê o luu kiyang nipaên ti lax vô plopete kityooên tigeê lêm, di he o vông kiyang vô Apumtau lec nipaên wê xomxo tigeê nêl lec he ge lêm.

<sup>12</sup> Plopete kityooên tigeê mi timu vô môp nipaên wê ninivi vông ge, om he tiyi xocbê bwoc vimen wê piyôp maên wê xomxo ob tii he di hi he yib ge. Ên he nêl kiyang nipaên vaxvax lec kiyang wê he xovôên kehe ma ge. Om môp nipaên wê he vông ge obêc vông he vô nipaên di kitya he vêl,

<sup>13</sup> di he obêc kô myaviwen nipaên lec nipaên wê he vông ge. Ên he xêyaa vin lec wê he ob num di vông môp nipaên vô vidiiên wê hiyôv ge. Di he ya yaên hixôn xam, lêc he nilô vô nivuha ên môp nipaên wê he mi vông ge, om he tiyi xocbê

do nipaên vac xam mahigun ge.

14 Di he manôn yê vêx di xo môp yôdac, di he o dô seac vêl ên môp nipaên lêm. Di he didii xomxo wê o vông i vîn xêkizêc lêm ge mi la vac môp nipaên, di he vông piyôp yuu nilô la vihati vô susu kibun ga. Anutu nêl pyap ên nêbê obêc kitya he vêl.

15 Plopete kityooên tige sea môp nivuha di la vaxvax vac môp nipaên, di timu vô môp nipaên wê Bio nu vux Belam vông ilage. Belam xêyaa vin lec wê ob vông môp nipaên di kô mone lec.

16 Lêc bwoc donki wê Belam vông ge nêl i nêl nipaên kitong vô i. Bwoc donki o tiyi wê ob nêl kiyang ge lêm. Lêc donki tige keac vô Belam tiyi xochê xomxo keac ge di nêl Belam nêl nipaên kitong vô i. Om donki tige le vac plopete Belam nilô judajuda xôn.

17 Om plopete kityooên tige vihati tiyi xochê lôva wê xomxo mi kilê mia vac lêc mia tuacên ge, di he tiyi xochê lun mapitoc lêc lun valên ma ge. Om Anutu viac vigwe mapitoc ta wê he obêc la dô vac ge.

18 Xomxo tige kô he lec di keac vya levac lec kiyang pileva wê nôl maên ge. Di he kityoo xomxo wê gên sea môp nipaên wê tibii madiluhu vông ge, di didii he lax mi la vac môp yôdac hixôn môp nipaên wê he ninivi xovô ge.

19 Xomxo kityooên tige nêl bêga ên nêbê, “Xam obêc nêb xam ob vông môp ti i tiyi wê xam xêmyaa vin lec ge od xam vông. Lêc môp tige ti o tiyi wê ob viac xam ge lêm.” He nêl bêge lê, lêc he nêl kiyang kityooên. Ên he tu xomxo

yuac wê môp nipaên viac he ge. Ên môp nipaên ti obêc viac xomxo ge od xomxo tige ob tu môp nipaên tige nu yuac.

<sup>20</sup> Xomxo ob xovô il lig Apumtau Yesu Kîlisi wê vô il vêl ên il nêd nipaên ge, di vông i vin i, di pec ên môp nipaên kibun ga wê vông he vô nipaên ge, lêc he obêc pilepac he mi lax vô môp nipaên tii vac nang di môp nipaên obêc hôm he xôn ge, od he obêc dô vac nipaên luu wê he dô vac tax ge vêl.

<sup>21</sup> Ên ilage he o xovô môp nivîha lêm om he dô vac nipaên. Lêc gwêbaga he xovô di vông i vin Anutu kiyang, lêc he vô nîmi vô, om he ob dô vac nipaên luu wê he dô vac ilage vêl.

<sup>22</sup> Om nipaên wê tulec he ge tiyi xocbê kiyang ti wê yêp bêga ên nêbê, “Noo mi ya susu wê he mutac ge tii vac nang.” Di kiyang ngwe nêl bêga ên nêbê, “Bwoc ti wê loc hixôn ninîvi nivîha ge ob lax lipac i vac lôm tii vac nang.”

### 3

#### *Apumtau Yesu obêc vena vixôhîlôg*

<sup>1</sup> Xam lige, ilage a kivuu kîpihac ti vô xam, nang dêc gwêbaga a kivuu kîpihac ngwe ga wê vông yuu ge vô xam. Lêc a kivuu kîpihac yuu ge vô xam ên a nêb i tîpi vô xam piyôp i yêp seac di xam xovô kiyang tiga i tii vac.

<sup>2</sup> A nêb xam xovô kiyang wê plopete ngîbua nêl ilage i tii vac, ên he nêl kîtong lec buc wê obêc val timuên ge. Di xam xovô xolac wê il Apumtau vông ge. Apumtau vô il vêl ên il nêd nipaên, di



vông i xolac vô lime sinale di he nêl kitong vô xam mi xam ngô. Om xam ngô di xovô i tii vac.

<sup>3</sup> Om xam léc xovô taxlee bêga bê vô buc timuên ge od tibii ya obêc val vô xam di ob timu vô môp wê he nilô kidu he ên nêb he ob vông ge, di he ob so vya vô xam ên wê xam vông i vin Anutu ge, om he ob yax mang di nêl vô xam bêga ên nêbê,

<sup>4</sup> “Yesu nêl vô xam ên nêbê obêc vena vô xam, me? Om tyo dô gê tina? Wê lê, Yesu o vena lêm. Nge, vô buc wê Anutu tung lag yuu kibun ge, di i la vô buc wê il mage buge yib ilage, di i val tyip gwêbaga hixôn, susu hixôn kiyang vihati dô tiyi xocbê dô ilage di ti o pilepac lêm.”

<sup>5</sup> He ob nêl kiyang tibêge vô xam, léc he nêbê he ob xovô yuac wê Anutu vông ilage lêm. Yuac wê Anutu vông ilage bêga nêbê Anutu nêl di lag yêp di kibun val tyip vac mia nilô di yêp vac mia mahigun.

<sup>6</sup> Léc kibun o yêp bêge xuhu dia lêm. Nge, timuên ge od Anutu nêl di mia hivun kibun xôn ên wê xomxo vông nipaên ge.

<sup>7</sup> Léc lag yuu kibun wê yêp gwêbaga, Anutu nêl ên nêbê yuu ob yêp di i loc tyip lec buc wê ngwax obêc ya yuu xôn vêl ge. Vô buc tige Anutu obêc yaxên xomxo vihati nêl kiyang di obêc kitya he wê vô nimi vô i ge vêl.

<sup>8</sup> Xam lige, le i léc lungên kiyang tiga lêm. Kiyang tiga nêl bêga ên nêbê buc wê il xê ên il nêb buc myabo tya ge Anutu yê nêb buc dia tiyi xocbê klismas 1,000, di buc wê il xê ên il nêb buc dia ge Anutu yê tiyi xocbê buc tived.

<sup>9</sup> Om xomxo ya so ên he nêb mêd Apumtau vông yuac hiyi hiyi om kiyang wê nêb ob vena ge gên o vô nôn lec lêm. Ge he so. Ên Apumtau o vông yuac hiyi hiyi lêm. Nge, bin xomxo wê vô nîmî vô i ge ên nêb he i pilepac he vêl ên nîpân wê he vông ge, ên Apumtau xo ên nêbê xomxo ti i o léc yîb mî la vac nîpân lêm.

*Lag yuu kibun xôa obêc ma*

<sup>10</sup> Buc timuên wê Apumtau obêc vena lec ge, buc tige obêc val tiyi xochê xomxo yôdac ti. Ên buc tige il o xovô lêm. Vô buc tige lag obêc vô nidîdun levac di xôa obêc ma, di ngwax obêc ya lag yuu kibun hixôn susu vihati ma vêl.

<sup>11</sup> Vixôhîlôg nôn, Anutu obêc kitya susu lag yuu kibun vihati vêl. Om gwêbaga xam ob dô bêna? Xam vông môp ngîbua i vô nôn lec vô xam di timu vô môp wê Anutu vông ge,

<sup>12</sup> di xam dô bin Anutu buc wê obêc val timuên ge di vông yuac xêkizêc ên buc tige i val sebseb. Vô buc tige ngwax obêc ya lag ma vêl, di susu vihati obêc dîdee ên ngwax levac di xôa obêc ma.

<sup>13</sup> Ilage Anutu hîlu kiyang pyap ên nêbê lag yuu kibun paha obêc yêp timuên, di kiyang nîviha obêc hîvun xôn, di nîpân ti obêc yêp hixôn lêm. Om il bin lag yuu kibun paha wê obêc val ge.

<sup>14</sup> Xam lige, xam mi dô bin lag yuu kibun wê paha ge, om xam viac xam nîviha di vông yuac xêkizêc ên Anutu i yê xam tiyi xochê nîpân ti o yêp vô xam lêm ge di i yê xam tiyi xochê xam dô vac kiyang malehe ge.

<sup>15</sup> Xam xovô bêga bê Apumtau venaên gên ma, ên dô bin xomxo vihati ên nêb he i pilepac he ên i kitya he nêb nipaên vêl. Kiyang tige tiyi xocbê kiyang wê Pol kivuu ge. Pol ge il lig wê il xêdyaa vin lec i ge. Anutu vông xovôên vô i,

<sup>16</sup> om i kivuu kiyang tiga vac kipihac vihati wê i kivuu ge. Kiyang wê Pol kivuu ge, kiyang ya viyin di kehe o yêp seac lêm, om vông yuac levac vô il ên wê il ob xovô kiyang wê i kivuu ge kehe. Om xomxo piyôp maên wê o le xêkizêc lêm ge, he ya pilepac xolac wê Pol kivuu ge vac di kiyang vihati wê yêp vac xolac ge hixôn. Om Anutu obêc kitya xomxo tige vêl vô buc timuên.

<sup>17</sup> Xam lige, xam xovô pyap ên xam nêbê xomxo tige mi nêl kiyang kityooên di pwoo Anutu kiyang vac. Om xam viac xam ên he, gec lêc he didii xam la vac kiyang kityooên wê he nêl ge di vông xam sea vông vinên wê xam vông ge.

<sup>18</sup> Apumtau Yesu Kilisi vô il vêl ên il nêb nipaên. Om a nêl vô xam bêga bê xam vông xovôên yuu xêyaa vin lecên wê Yesu vông ge i vô levac vac xam nilôm. Yesu lê i vô levac gwêbaga di i yêp luta lêc luta. Nôn.

**Yesu Xolac**  
**The New Testament in the Patep Language of Papua**  
**New Guinea**  
**Nupela Testamen long tokples Patep long Niugini**  
copyright © 1986 Wycliffe Bible Translators, Inc.

Language: Patep

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-14

---

PDF generated using Haiola and XeLaTeX on 18 Apr 2025 from source files dated 31 Aug 2023

3d2c844d-4bc8-590b-bbf2-3a5fcd1f7ad8